

## প্রেস বিজ্ঞপ্তি

ফেব্রুয়ারি ১, ২০২০ইং

আপনারা অবগত আছেন যে, গত কয়েক সপ্তাহ যাবত চীনসহ পৃথিবীর বিভিন্ন দেশে নতুন একটি করোনা ভাইরাস এর প্রাদুর্ভাব দেখা দিয়েছে। এ সম্পর্কে বাংলাদেশ সরকার এর স্বাস্থ্য ও পরিবার কল্যাণ মন্ত্রণালয় সম্পূর্ণ পরিস্থিতি পর্যবেক্ষণ করছে এবং প্রয়োজনীয় ব্যবস্থা গ্রহণ করেছে। ২০১৯-nCoV পরিস্থিতি মোকাবেলা করার জন্য অধিদপ্তর ও আইইডিসিআর যৌথভাবে ২০১৯-nCoV কন্ট্রোল রুম স্থাপন করা হয়েছে। স্বাস্থ্য অধিদপ্তর ও আইইডিসিআর এর ২০১৯-nCoV কন্ট্রোল রুম থেকে বিভিন্ন কার্যক্রমঃ (ফেব্রুয়ারি ১, ২০২০ইং)

অনিবার্য কারন বশত এবং পাসপোর্ট জটিলতার কারনে চীন থেকে দেশে প্রত্যাবর্তন ইচ্ছুক বাংলাদেশী নাগরিকদের গতকাল রাতে দেশে আগমনে বিলম্ব হয়।

আজ ৩১২ জন বাংলাদেশী নাগরিকদের নিয়ে বাংলাদেশ বিমানের বিশেষ ফ্লাইটটি সকাল ১১.৩০ টায় হযরত শাহজালাল আন্তর্জাতিক বিমান বন্দরে অবতরন করে। অবতরন পরবর্তিতে বাস যোগে তাদের সবাইকে সরাসরি আশকোনা হজ্ব ক্যাম্পে নিয়ে যাওয়া হয়। হাজী ক্যাম্পে পৌছানোর পর উক্ত যাত্রীদের সবার ২০১৯-nCoV সংক্রান্ত প্রয়োজনীয় স্বাস্থ্য পরীক্ষা সম্পন্ন করা হয় এবং পৃথক কামরায় রাখার ব্যবস্থা করা হয়। চীন থেকে ফেরত বাংলাদেশী নাগরিকদের মধ্যে দেহের তাপমাত্রা বেশী থাকায় ৭ জনকে কুর্মিটোলা জেনারেল হাসপাতাল এবং ৩ জনকে সম্মিলিত সামরিক হাসপাসালে ভর্তি করা হয়েছে। উক্ত ১০ জনকে বর্তমানে পর্যবেক্ষণের জন্য ভর্তি রাখা হয়েছে। এ পর্যন্ত কোন যাত্রীর মধ্যে করোনা ভাইরাস সংক্রমণের লক্ষণ পাওয়া যায় নাই। পরবর্তীতে কোন লক্ষণ দেখা দিলে সেনাবাহিনী ও স্বাস্থ্য অধিদপ্তরের বিশেষ দল প্রয়োজনীয় ব্যবস্থা গ্রহণে এবং ২০১৯-nCoV সংক্রমণ সনাক্ত করন করার জন্য প্রয়োজনীয় নমুনা সংগ্রহের জন্য আইইডিসিআর এর একটি দল প্রস্তুত রয়েছে।

২০১৯-nCoV সংক্রান্ত পরিস্থিতি মোকাবেলার জন্য কুর্মিটোলা জেনারেল হাসপাতাল, সংক্রামক ব্যাধি হাসপাতাল ও কুয়েত বাংলাদেশ মৈত্রি সরকারি হাসপাতাল সার্বক্ষণিক প্রস্তুত রাখা হয়েছে।

চীন থেকে ফিরে আসা বাংলাদেশী নাগরিকদের অভিভাবক ও পবিরারের সদস্যবৃন্দকে আতঙ্কিত না হওয়ার এবং বিমানবন্দর ও আশকোনা হাজী ক্যাম্প এলাকায় অবস্থান না করার জন্য বিশেষভাবে অনুরোধ জানানো যাচ্ছে।

আশকোনা হাজী ক্যাম্পে অবস্থানকালীণ সময়ে চীন থেকে ফিরে আসা বাংলাদেশী নাগরিকদের স্বাস্থ্যগত তথ্য তাদের অভিভাবক ও পবিরারের সদস্যবৃন্দকে নিয়মিত ভাবে অবহিত করা হবে।

স্বাস্থ্য ও পরিবার কল্যান মন্ত্রণালয়ের মাননীয় মন্ত্রী জনাব জাহিদ মালেক এমপি মহোদয় একটি প্রেস ব্রিফিংয়ে উল্লেখ করেন যে, ফিরে আসা বাংলাদেশী ৩১২ জন নাগরিকদের মধ্যে ৩০২ জন আশকোনা হাজী ক্যাম্পে রয়েছে এবং ১০ জনকে বিভিন্ন হাসপাতালে পর্যবেক্ষণের জন্য ভর্তি করা হয়েছে। যার মধ্যে ৮ জনের দেহের তাপমাত্রা অধিক থাকায় নমুনা সংগ্রহ করা হয়েছে, যার ফলাফল আগামী ২/৩ দিনের মধ্যে পাওয়া যাবে। তিনি আরও উল্লেখ করেন যে, এখন পর্যন্ত বাংলাদেশে ২০১৯-nCoV সংক্রমণের কোন প্রমাণ পাওয়া যায়নি। তিনি ফিরে আসা নাগরিকদের অভিভাবকদেরকে আশ্বস্ত করে বলেন যে, এ ব্যাপারে উদ্বেগ হওয়ার কোন কারন নেই।

আশকোনা হাজী ক্যাম্পে স্বাস্থ্য অধিদপ্তর ও আইইডিসিআর এর সমন্বয়ে চলমান কার্যক্রম :

১। বাংলাদেশ সেনাবাহিনী, ত্রান ও দূর্যোগ ব্যবস্থাপনা মন্ত্রণালয় এবং বাংলাদেশ বিমান এর সহযোগীতায় চীন থেকে ফিরে আসা বাংলাদেশীদের কোয়ারেন্টাইন করার লক্ষ্যে সকল সুবিধা সহ ডরমেটোরির ব্যবস্থা করা হয়েছে।

২। বাংলাদেশ বিমান ও বাংলাদেশ সেনাবাহিনীর সার্বিক সহযোগীতায় ফিরে আসা নাগরিকদের তালিকাভুক্ত করার মাধ্যমে আশকোনা হাজী ক্যাম্পে নিয়ে যাওয়া হয় এবং ত্রান ও দূর্যোগ ব্যবস্থাপনা মন্ত্রণালয়ের সহযোগীতায় খাবার ও অন্যান্য প্রয়োজনীয় সামগ্রী সরবরাহ করা হয়।

প্রয়োজনে আইইডিসিআর এর হটলাইন নম্বর এ যোগাযোগ করুন :

০১৯২৭৭১১৭৮৪; ০১৯২৭৭১১৭৮৫; ০১৯৩৭০০০০১১; ০১৯৩৭১১০০১১

২০১৯-nCoV সংক্রান্ত সর্বশেষ পরিস্থিতিঃ (১ ফেব্রুয়ারি, ২০২০ইং)

ডবষয়	২৪ ঘন্টার সর্বশেষ পরিস্থিতি	গত ২১/০১/২০ থেকে অদ্যাবধি
আইইডিসিআর হটলাইন এ মোট কল এর সংখ্যা	১০১	৩১৮
আইইডিসিআর হটলাইন এ ২০১৯-nCoV সংক্রান্ত মোট কল এর সংখ্যা	৭৮	১২৬
আইইডিসিআর এ আগত ২০১৯-nCoV সংক্রান্ত মোট সেবা গ্রহীতার সংখ্যা	০	২৩
নিশ্চিতকৃত nCoV এর মোট রোগীর সংখ্যা	০	০